

Abonnement pour un an:

300 piastres

Edition spéciale 500 piastres

Adresse:

Idjtihad Constantinople

Téléph-St, 865

XXème ANNÉE

15 Juillet 1925—No 183

اجتهاد

فلسفی ، اجتماعی ، ادبی ، اقتصادی مجموعہ

آبونمان : سنہ لکھی [۲۴ نسخہ]

تورکیا ایچون ۲ ، خارج ایچون

۳ ، اعلا کاغذی ۵ لیرادر .

ادارہ خانہ سی

جفال اوغلندہ « اجتهاد نھوی »

تلفون : استانبول ۸۶۵

یکرمنجی سنہ

۱۸۲۳ - ۱ تموز ۱۹۲۵

اقتصادی ملاحظہ

بیاض کمور

مدنیت حاضرہ نیک شعاری تک برکھ ایله افادہ ایدیلک
ایجاب ایتسه او کله مطلقاً « سرعت » کلمہ سی اولور .
ا کر ایکی کلمہ ایله افادہ ایدیلہ یہ مساعده اولونسه او کله لر
سرعت و « قونفور Comfort [*] » کله لر اولماق ایجاب
ایدر .

سرعتک آناسی قدرت محرکہ در . قونفوری بایانده
ینہ قوہ محرکہ نک ثمر لری در . قدرت محرکہ نک اک مهم
منجی طاش کوری در . ۱۸۲۳ نومرولو (اجتهاد) ده
مندرج سیاحت ، انطباع لری مقالہ سنده طاش کورینک
نہ قادر ادارہ لری وائی ایشجی اولدینگی ، اون یش غروشلق
کمور ایشجینک کوردیکی ایشی انسان ایشجی یہ کوردورمک
لازم کاسه عینی ایش ایچون یدی بیک بشیوز غروش ویرمک لازم
کلدیگی سولہ مشدک . فقط طاش کوری ییتمز ، دوکنز
برخزینہ دکادر . یانان کمور همان تکرار کمور اولمایہ کیتمز .
سیاه کمور مدخرہ سی هرکون آزالور و صنایع
اربابی شیمیدین دوشوندوریور . بوندن باشقه کمور
مدنلری قویولرنده ایشله مک حقیقه عرق بشر ایچون
برجهنم حیاتی تشکیل ایدیور . آرده صرہده ظهور
ایدن وغیرزو دنیان مدھش انفلاق لری یوزلرجه عملہ نک
یانوب کمور اولدینی ومدھش طاش و طوپراق کتله لری
آلتندہ قالدینی کورولیور . سیاه کمورک دوکنمہ یہ یوز

[*] بولکہ فرانسہ زجه در . سہوت حیات ، اسباب استراحت
واسباب سہوت معناسی افادہ ایدر . لسانزدہ قونفور کلمہ سنک
معناسی بحق افادہ ایدہ جک کلمہ سی اولمادیقندن قونفور کلمہ لسانزدہ
کپریش ونور کلمہ لشمشد .

طوتامسی ، استحصال و نقلندہ کی زحمت صنایع اربابی ویووک
حرب و تجارت دوناتمالری صاحب لری پترول اوزرینہ توجیہ
نظر ایتدیرمشد . بوکون (عراق) و (موصل)
دیمک « پترول » و « پترول » دیمکدر . طاش کورندن
وپترول دن صوکرہ اکمهم قوہ محرکہ اولارق بیاض کمور کایر .
بیاض کموردن مراد ، قدرت میاهیہ Force hydrolique
تعبیر ایدیلان صوجریانی ، صو سقو طی و صو تضیقیدر .
13 Juin 1925 تاریخلی و (پارس) ده منتشر :
L'illustration مجموعہ سی La houille blanche
سرنامہ سی آلتندہ برچوق رسم لری ، خریطہ لری ، قروکیلر ،
استاتیستیکارلہ مجهز و بونفیس مجموعہ نک یکرمی صحیفہ سی
طولدوران برمقالہ نشر ایدیور . بومهم تدقیقنامہ نک
وسیلہ درجی کچن ایک ۲۱ ندہ فرانسه نک Grenoble
شهرندہ آجیلان بین الملل بیاض کمور مشریدر .

بومقالہ یی تماماً ترجمہ و بتون خریطہ لریلہ ، رسم لریلہ ،
قروکیلریلہ برابر درج ایدہ بیلمہ یی چوق ایستردک . فقط
اون بش کوندہ بردفعہ اون آلتی صحیفہ اولارق چیقایلین
(اجتهاد) ایچون بومل ، یالکز کوزل برامل اولارق قالماق
ضرورتی وار . پک قوتنی معلومات و احتیاجات فنیہ ایله
زندہ بومقالہ نک محرری F. Honoré اسمندہ بر
فرانسزدہ . « بولک برفرانسز اختراع » دیدیکی ، بیاض کموردن
الکتریک استحصالہ تخصیص ایتدیکی شیلرک تطبیقاتی
ایچندہ ، اسویچرہده اوزون سنہ لریاشامشدق . (جنوہ)
شهری تنویر ایدن ، شهرندہ کی وجوارندہ کی فابریقه لری
ایشله تن ، فرونلری ایصیتان (رون) نهرینک قدرت میاهیہ سیدر .
بو قدرت میاهیہ Haute pression یوکسک تضیق

ناميله ، قسماً دوغروندن دوغرويه ايشلار و تورين Turbine لری تحريك ايدر . بر قورشون قلمی قالينلغندن داها انجه اولارق چليك بر آغز دن چيقان متضيق صو اوچ بيکير قوتيله ايشلاهيه بيلن طبع ماکنه مزی تحريك ايدر دی .

اجتهاد کتبخانهسی کلیاتنک (شیلیون محبوس) ، (حکمدار و ادبیات) (فلسفه استمداد) ، (قهریات) کیی ایلک کتابلری جنوهنک بیاض کموريله یعنی (رون) نهرینک قدرت میاهیه سیله طبع اولونمشدر . بیاض کمورک اک چوق تطبیقات صناعیهسی ، تحريك ایتدیکی ترانسفور ماتورلرودینامولرله استحصال ایتدیکی الکتریک قوتيله در . قوت میاهیه بر دفعه قدرت الکتریقیهیه تحویل اولوندی می بو قدرت تلرله ، یوزلرجه کیلو متره مسافه لره نقل و یوزلرجه کیلو متره مسافه لره بولونان کویلری تنویر ، فابریقه لری تحريك ، فرونلری تسخین ايدر . موسیو (اونوره) دییورکه بر قاچ «مانت» ایله مزین بر مرمر لوحه نك آرقه سنه ۱۰,۰۰۰ وحتی ۱۰۰,۰۰۰ بیکیر قوتنده بر قدرت الکتریقیه صافلانه بیلیر و بتون بر شهرى تنویر و یابر سورودارل صناعیهی ، الکتریک تراموایلرینی و الکتریک شمندفرلرینی تحريك و طاغلرک باشلرینه قارتال یووالری کیی صاچیلش کوشکلرک الکتریک لامپه لرینی اشعال الح ایچون بو مانه تلردن برینی چویرمک کفایت ايدر . . . علم کوزيله باقیلیرسه طبیعتک خزائن ایله طولوا ولدیفنی کورورز . ایش بو نعمتلردن متمتع اولمايه «صالحون» اولمازده در . موسیو (اونوره) نه کوزل سویله یه: «بو قدرت، طبیعت طرفندن بزه ویریلشدر؛ بزم ایچون بونک محصولی آلماقدن باشقا یاپیله جاق برشی یوقدر بتون بر شهرى تنویر، درجه حرارتی کونشک درجه حرارتنه آزاقلاشان فرونلری اشعال، لایعد ما کینه لری تحريك ایتدیکن صوکره ، بر لحظه اسیر اولان صو دامله سی ، سیله عودت ايدر ، اوراد زده قدرتنک دور ابدیسنه تکرار کیرمک اوزره ، بر بلوط واسطه سیله جمودیه سنه عودت ايدر »

بوسطه لرده استغراق انکیز بر شعر شعاری وارد، موسیو Honoré بیاض کمورک تحريك ایتدیکی «تورین»

لر حقنده اوزون ایضاحات ویریور ، فرانسه نك بیاض کمور جهتيله پک زنکیکن اولدیغنی کوسته ریور ، ۱ کانون ثانی ۱۹۲۴ تاریخنده فرانسه جمهوریتنک نشر ایتدیکی استاتیسیتیکه نظر آبوکون فرانسه نك بیاض کموردن استحصال ایتدیکی بیکیر قوتلری مجموعی ۱,۰۶۵,۰۰۰ در ، حالبوکه فرانسه ده موجود بیاض کمورک حائز اولدی می بیکیر قوتلری مجموعی ۱۰,۳۰۰,۰۰۰ در فقط عینی ایست . تینستیک .. داها ۶۱,۰۰۰ بیکیر قوتنده بیاض کمور قوتندن استفاده ایتک ایچون انشاآتک باشلانمش اولدیغنی قید ایدیور ۵,۴۳۳,۰۰۰ بیکیر قوتنده بیاض کموردن استفاده ایتک ایچون پروژه لرک حاضر لانمش اولدیغی ده در میان اولونیور .

بیاض کمورک تطبیقات صناعیهسی بالخاصه الکتریکه تحویلندن صوکره یاپیلیر ۱۰ بیکیر قوتی = ۰,۰۷۳۶ کیلووات در بناء علیه ۱ کیلووات الکتریک = ۱,۳۶ بیکیر قوتی دیمک در . اون میلیون بیکیر قوتنک نهمدهش مقدارده کیلووات الکتریک قوتنه تقابل ایتدنکی قولای آ کلاشیلیر فرانسه ده ، اسویچر ده ، آلمایاده ، آوستریاده آمریقادا بویوک دارالصناعه لر بیاض کمور معدنلرینه جوار یرلرده تأسیس اولونمشدر . اورالرده کزرن هر شیشک صودن حیات آلدینی کورولور .

شیمدی نظر مزی وطنمزه چویرم نور کیا مزده بیاض کمور معدنلری ، باشقا مملکتلره غبطه ویرمک قادار چوقر . دوشن ویاسر عتله آقان نهرلر مژک حساسی بیلیملی یز (اکن) ک قاضی کولندن اشاغی پر ولوله سقوط صوبی بتون العیز ولایتی تنویر ، الکتریک تراموایلر یاپیلسه بونلری تحريك و فرونلری تسخین ایتیه کافی قدرت الکتریقیه استحصال ایتیه آماده در . نافع اموريله مشغول اولان دأرهمز بو قوتلردن آرتق استفاده ایتک زماننک چوقدن کلش اولدیغنه قائل بولونور (طرزون) ه بوندن اون ایکی اون اوچ سنه اول یاپدیغمز تدقیق سیاحتنده طرزونک ، (دکرمن دره) صویندن استفاده ایدیله رک ، الکتریکله تنویر ایدیله جکنی و بوسایه ده ، پترول پاره سی اولاراق روسیایه ویریلکده اولان بیکلرجه آلتونمژک بژده قالا جانی حساب ریاضی ایله حساب وارائه و اوزمان

چيقان (اجتهاد) نسخه‌لرينه تفرقه و درج ايدلمشدي ، محترم باش و كيل عصمت پاشا :

« شمدی‌یه قادر پك جوق شيلار ياپيلمش اولاييلير فقط بونلرك هپسی ملتك بذیه‌سند و وطنك سينه‌سند وجوده كتيريلهسی لازم كن انكشاف ايچون آتجاق رابتدادن عبارت در »

سوزيله مطلقا بونوع مآثری‌ده مراد ايتشاردر . بزم نهرلرمز ، باغچه‌لرمز بزم هراحتياجزی تأمین و بزی ماده و معنا الك قوتلی ملتئر حذاسته اعلا ایده‌جك درجه‌ده‌در و بواعتلا بولنه کیرمه‌یه عزم و قرارمز کالده‌در ۲۸ حزیران ۱۹۲۵ هکملی آله — عبدالله جودت

کوچوک خاطرهلر

سینوب

۶

= ارسلان واپوری =

سینوبدن اینه‌بولی طریقه‌له قسطنطنیه عودت ایده‌جکم کون لیانده اوچ واپور وازدی .

عثمانلی ، روس و نمسه . روسیه قونسولوسی محجم موسیو سوخته‌تین ، روس قومپانیاسی واپوریه کیدرسهم هر صورتله اسباب استراحتکم تأمیننی قاپدانه صورت مخصوصه‌ده توصیه ایده‌جکنی سویله‌دی .

یابنده بر عثمانلی واپوری وارکن بر اجنبی واپورینی ترجیح ایتیمکی ، علی‌الخصوص بی تشییع ایده‌جك ذواتك عثمانلی واپورینی کوره ، کوره روس واپورینه کللمرینی غیرت‌ملیه ایله تجویز ایده‌مه‌دیکم ایچون موسیو سوخته‌تینه روس واپورینك اوکون کله‌جکنی دوشونه‌مدیکمدن اولجه عثمانلی واپورندن بر قماره طوتودردیغمی سویله‌یه‌رك تکلیفتی مع‌الاعتذار والتشکر رد ایتمش ایدم .

ترجیح ایتدیکم عثمانلی واپوری و قتيله بر انگلیز سفینه‌سی ایکن خیلی یاشلانوب نامنه یاراشان قوت و متانتی اضاعه ایتدکن صوکرا بزه صاتلمش و (ارسلان) تسمیه یاخود واپورک هر طرفنده ارسلان رسملری بولندیغه کوره انگلیزجه اسمی تورکجه‌یه ترجمه ایدلمش کوزلجه

بر واپور ایدی . اختیار ارسلان سینوب لیانندن حرکتدن براییک ساعت صوکرا بیلمم نره‌سند بر دن بره حادث اولان سقطلنی تعمیر ایچون بر جوق ساعندن زیاده یولندن قالمش ایدی . برنجی قماره‌لرده بندن ، غالباً مصطفی بك نامنده قصیرالقامه و یاشلیجه برنجی قاپدان دن باشقه کیمسه و قماره‌لرده وسائط تسبیخه‌دن برشی یوقدی ده‌کز ساکن ، فقط هوا پك صوغوقدی . سالونده کی کومور صوباسی مختلف یرلرندن لاینقطع توتیور و چیقان دومانلر پرسکون بر سحر بولوتلری کبی صالونك لوش آفاقده یاواش یاواش یوزبورلردی . بودومانلرك بالتدریج آرتان کثافتلری ، ذاتاً پك قوتسز یانان برتک پترول لامباسنك ضیاسنی بوغدیغنی ایچون سالونده لامبانك اطراف قریبه‌سنه تصادف ایدن شیلردن باشقه برشی کوروله‌مه‌مه‌ک باشلامش ایدی . صوبانك یانه قارشی قارشی‌یه اوتوردیغمز قاپدان بابا زیاده‌جه ایچدیکی راقینك و یردیکی حرارت موخته آزالدیجه صوبایه داها زیاده یاقلاشیوردی .

ارکلی کومورینك قیرمزی آل‌ولری قارشیدسند صوغان رنکی باغلایان سیاسنی ، خطوط وجهیه‌ده حاصل اولان سرت کولکه چیزکیلری داها زیاده بوروشوق کوستریور ، قیرساقالی بر قورو صوغان کوکلی شکلنده قیوریلوب طوبلانیور ، وسانکه آغزینك ایچنی‌ده صوبادن ایصیتقم ایسته‌یور کبی لاینقطع آسنه‌یوب دوریوردی . اونك آسنه‌مکدن سوز سویله‌مه‌ک وقتی ونم سویله . جکلرمی آ کلامغه اویوشوق دماغنك قابلیتی اولمادیغندن یکدیگر مزه ثقلت بخش اولمده بولندیغمزده شبهه یوقدی . « مساعده‌کنزه یاتاجم » دیدم و قالقوب قماره‌مه کیردم . بندن بر آرزو کرا برنجی قاپدان ده‌قماره‌سنه چکلمش ایدی . آرادن یاریم ساعت قادار سیله بر زمان کچمکسزین قاپدان بابانك قره‌دکیز قادار درین بر اویقویه دالیدیغی ، مذبوح برماندا خرخره‌سنه مشابه بر خیریلنی باشلامه‌سندن آ کلامشدم .

واپور پروانه‌سنك مطرد کورلتیلرینه غلبه ایدن بوخیرلتیار آراسنده اویومق ممکن دکادی . صوباسوندیکی ایچون یاتاقی بطانیه‌سنه بزم پالطو وموشامبایی ده علاوه ایدرک بونلرك آلتینده‌کندی نفسله ایصینه‌مه چالیشمق